

Минея - 16 авг. (оде службы)
Еванг. от Луки : зач. 48 от полѹ.
тамже смотри прокимен чѹрени (ср 128)

23 июня
(нов. силъ)

СЛУЖБА

ИКОНЕ СПАСИТЕЛЯ

-1

На Господи , возвах: стихиры, глас 6
стихиры на 6

Глас 6:

Иже царствуяй тварию всёю, / нищету вольную приемь, / обогащает Божеством познавших Его Господство. / Темже ко храму Рождества Пречистыя Своея Матере / святую икону сию посла, / яко подобие зрака Его Божественнаго. / Еяже пришествие радостно празднующе ныне, / возвеселимся верою, // просвещение от нея почерпающе.

Естеством неописанный Божественным Твоим сый, / на последняя, Владыко, воплощься, / изволил еси описоватися: / плоти бо приятием и свойства вся сея взял еси. / Темже вид Твой образования описующий любезно целуем, / к Твоей любви возвышаеми, / и исцелений благодать почерпаем из него, // апостольским последующе Божественным преданием.

Пречестное украшение прият Христова Церковь / честнаго и святаго образа Спаса Христа пришествие, / имже просвещается и красуется благодатию / и радуящися славит Человеколюбца Бога, // ея ради претерпевшаго страсти вольныя.

Господи, прославлена непостижимаго сошествия Твоего дела в Вышних и земных видевише, вознесени быхом. / Тя, Иже в недрах Отчих, зрака обретше образ Твой, / избавляемся от страстей его ради, / оживляемся, Спасе, змия сопротивнаго умерщвляем, / чтуции Тя на нем, Владыку. // Благословен еси, Спасе, помилуй нас.

Господи, непостижимое смотрение, / еже от века пронареченное, / пришед, назнаменуеши, и то уверяя, / Твой показал мирови образ, / исполнил еси всяческая радости. / И ныне украшаеши храм Рождества Пресвятыя Матере Твоея, / и устрояеши, и обновляеши паки нам образ. // Благословен еси, Спасе, помилуй нас.

Глас 2:

Киими дланьими, земнии, осквернены грехми, / осяжем образ Твой, Слове, / безгрешнаго Бога нашего, / Иже оскверненным неприступнаго? / Покрывают Херувимы очеса, трепещуще, / не терпят Серафими зрети славы Твоея, / страхом Тебе рабѡтает тварь. / Да не убо осудиши нас, / недостойне Твой зрак, Христе, с трепетом целующих вернѡ.

Киима, земнороднии, очима воззрим на образ Твой, / егоже ангельская воинства зрети удобь не могут, / светом Божественным блистающаго? / Се бо ко храму Рождества Пречистыя Матере Своея / приходит Божественным манием, / на егоже восхождение притекаем вернии, / припадающе сему со страхом, Христе, и верою.

Паки Владычняго торжества наста Божественный день: /се бо в Вышних Седяй ныне яве нас посети честныя ради Его иконы. /Иже в Вышних Херувимы сый невидимый на ней зрится писанне. // Ейже верою и любовию покланяющесе, освящаемся.

Слава, глас 8:

Человеколюбче Владыко, /вѣлика Твоего смотра^ния бездна: /в роды бо родов благодетельствуя Твое создание, /пречистаго Твоего Лица изображение нам даровал еси, /желающим Тя видети, по Божеству Херувимы невидимаго. /Сего ради святую Твою икону зряще, /нас ради волею воплощагося и пострадавшаго, /к Твоей любви распал^яемся, // юже на нас излил еси великия ради Твоя милости.

И ныне, глас тойже, Богородичен:
Царь небесный...

Вход. Прокимен дне. Чтения три
(см. Минея т.2, с 123-125)

На литии стихиры, глас 1:

Приидите, верных совокупление, /приидите, лик составим / в нарочитом празднице пришествия богومужнаго образа Спасова и возопиим: /благословен Грядый во имя Господне, /образ и начертание Первообразнаго. /Благослови нас Твоим явлением /и Церковь соблюди от ереси, // в нейже верно покланяем^тся.

Монашеская множества/днесь усердно соберитесь/на сретение образа руками человека Создавшаго, добродетели Тому вместо даров приносяще, поюще и глаголюще: да знаменуется на нас свет Лица Твоего, Господи./Того силою сохрани стадо Твое, волки тяжкия отгоня, //умирение подавая вселенней и душам нашим велию милость.

Глас 4:

Иже боговидением иногда задних Моисево лице прослави Бог/и тем богоначертанный закон посла неверующим израильтеским людем./се, прииде, яко от Египта, во Храм Рождества Пречистыя Матере Своея/Божественным начертанием первообразнаго Его страшнаго образа, //Егоже лицом к лицу видети сподобляемии, славим.

Глас 2:

Светом разума просветившися, /псаломски руками восплецим, /благодарственно хвалу Богу приносяще/и святей иконе Спаса Христа честно поклонимся, /честь бо образа, якоже Василий Великий глаголет, на Первообразное восходит. /Темже молим Тя, Христе Боже //даровати нам мир и велию милость.

Слава, глас 8:

Благодать возсия истины, / прѣобразуемая древле
сѣнѣвне: / се бо Церковь воплощенным образом
Христовым, / яко прекрасною утварию, облачится, /
православную веру содержащи: / да Егѡже почитаем, /
Сего и образ держаще, не прельщаемся. / Да облекутся в
студ сице невѣрующии: / нам бо слава зрак
Воплотившагося, / благочестно покланяемый, не
боготворимый. / Той облобызающе, вернии, возопиим: //
Боже, спаси люди Твоя и благослови достояние Твое.

И ныне: *О, чудесе новаго...*

На стиховне стихиры, глас 2, под. "Доме Евфрафов"

Псалѡмски торжествуем, духовно веселящеся, / с
Давидом вопиюще: // знаменася днесь на нас свет Лица
Твоегѡ, Господи.

Стих: Знаменася на нас / свет Лица Твоегѡ, Господи.

В кимвѡлех духовных восплещим, радующеся, / и
честно предусрящим // Владычняго образа святое
изображеніе.

Стих: Господи, во свете Лица Твоего пойдѣм // и о
Имени Твоем возрадуемся вѡ веки.

Почитая Спас человеческій образ, / вообразися по
нам, непреложный человечеством / и яко самую истину
Своего Пречистагѡ Образа // дарова нам святую икону
сию.

Слава, глас 6 :

Господи, воплотился еси, якоже восхотел, /изволил еси восприняти нищету нашу /и богатство благосердия показал еси, /имже мя, персть, обожил еси. /Славим Тя, Человеколюбче, /смотрения образ видяще зрака Твоего, /сим невозбранно во Едем вход, Спасе, даруй рабѣм Твоим, /презирая вся прегрешения.

И ныне, глас тойже:

Творец и Избавитель мой, Пречистая...

Тропарь, глас 2:

Пречистому Твоему образу... /без изменений /

По 1 - ом стихословии седален, глас 1:

Благодать, Твоя, Спасе, на нас излися, видиму бывшу Тебе, Непостижимо, и прелести тьма угасе, тем во свете Лица Твоего стопы наша направи, да, в заповедех Твоих ходяще, Тебе сподобимся узрети, Свете неприступный.

Слава, и ныне, глас тойже:

Любовию, чистая, святую икону Сына Твоего почитающим, и Божию Тя истинную Матерь согласно возвещающим, и верно покланяющимся Ти, Хранительница явилася еси и державное предстательство, отвращающи всякое лютое далече сих, яко вся могущая.

По 2 - ом стихословии седален, глас 5:

Собезначальный Сын Отцу, и превечный, и невидимый Существом, и неосязаемый, под летом быв за милость неизреченную, описанныя плоти Твоея, Владыко, нам даруеши страшное изображение на спасение душ наших.

Слава, и ныне, глас тойже:

Взятся праматере Евы осуждение, Богородице, яко Ты всех Владыку несказанно, Чистая, родила еси: Егоже и ныне подобие на святей иконе целуем.

По полиелеи седален, глас 4:

Подобен : Удивися Иосиф...

Не ктому сетование на лице Адамово, во Адама облекшуся того Создавшему, и Лица подобием Себе всем являющу, и к любви подвижущу благочестивых составления единоголасно вопити: слава, Человеколюбче, крайнему Твоему схождению.

Слава, и ныне, глас тойже:

Недр не отлучився Отческих, Многомилостиве Господи, с человеки пожил еси, якоже подобаше, исполняя Твоего человеколюбия от веков тайну сокровенную и немощь понес человеческую, непреложно в ню облекся от Приснодевы Богородицы, и пречистаго Твоего зрака изображение нам на освящение оставил еси. Слава многому Твоему о нас милосердию.

По 50 - ом псалме стихира, глас 4:

Плоти изображение Твое почитающе, Господи, любезно лобыз^аем, / великое таинство смотрения Твоего изъясняюще: / не мн^ением бо нам явился еси, Человеколюбче, / но истиною и естеством плоти, // Тобою возводими к Твоей любви и жел^анию.

Канон, глас 6:

Песнь 1

Ирмос: *Яко по суху...*

Плотски изобразитися по нам, Иже прежде
Безплотный, благоволением Отчим, не отвергийся
зрака, дарова нам Божественное изображение.

Свет Превечный, Отча исполняя словеса,
образноподобием плоти прежде виден был есть
человеком, ныне же явися иконою святою,
Божественнаго воплощения свет облистая нам.

Сказати хотя Свою благодать, Вышний прият рабий
образ нас ради и на уверение естества человеческого
зрака подобие верным днесь дарова.

Богородичен: Сказание днесь воистину
богочеловеческаго Твоего рождества познахом, Тя
чтуще, Всечистая, сподоблени бывше видети зрака образ
преславный Рождшагося из Тебе.

Катавасия: *Отверзу...*

Песнь 3

Ирмос: *Несть свят...*

5 Владыка сый по существу, соединився с рабы плотию и наше детельствуя различно спасение, Христе, еже и ныне промышляя, Своими иконами виден был еси нами.

6 Живот ипостасный вкуси смерти плотския, еюже живот источил еси мертвым востанием Твоим, Христе, ныне же, яко живота ходатая, зрака образ Твой подал еси нам.

7 Тебе, сотворшаго человека по образу первее, воньже вообразися абие за милосердие, приемша воистину подобие неизменное, со Ангелы, Христе, славим.

Богородичен: Место Тя Господне, Всепетая, Давид преднаписа, хотящее явитися. Иже бо никакоже вместимый во Твое чрево вместися и облагается плотию вещною Невещественный.

Седален, глас 1

Подобен: Лик ангельский:

8 Божественный Твой зрак во образе почитающе, Христе, / ясно вопиём рождество, / чудеса неизглаголанная, / вольное распятие, / отнюду же бесове отгонятся страхом и злославнии в посуплении рыдают, // яко сих сопричастницы.

Слава, И ныне, глас тойже: (1^й)

Безначальным и Божественным естеством невидимый человек виден бысть, Отроковице, от чистых Твоих кровей, за крайнее благоутробие: Егоже плоти написавше подобие, честно покланяемся вси вернии, и благочестно величаем.

Песнь 4

Ирмос: Христос моя сила...

Плотоподобный Божественный образ плотию Приблизшагося человеком прииде к новоизбранному Израилю, яко из Египта, днесь, и просвещает концы.

Боговидения славы древле, темно Твоих задних сподобися Моисей, просив, новый же Израиль лицом ныне в лице Тя, Избавителя, видит ясно.

Видите чудная, вси людие, и духовно ныне возвеселитесь, Христа поюще, даровавшего нам, яко многоценное богатство, Своего зрака воображение.

Богородичен: Яко на облаце, убо древле Христос явился на земли сущим, сидя на Твоею руку, ныне же напоследок людем, чтущим Тя Всесвятая, Божественным образом явился.

Песнь 5

Иромос: *Божиим светом...*

Просветися днесь православных сонмище,
еретический полк да посрамится, покланяему видя
честную икону плотию нам Избавителя предложшуюся.

Богозарныя лучи исполняху, все уясняюще и
украшающе человеческое существо, от образа исходяще,
егоже покрывают Серафими славою Христовою.

Едине благий и Источниче благодати, Ты возвыси
православных рог, чтущих образ Твой.

Богородичен: Устави, Дево, врагов настояния
частая, разруши советы их, достоянию Твоему помози:
зриши бо, яко отчаяхомся, озлоблении.

Песнь 6

Ирмос: *Житейское море...*

Мертвым живот возсия, слепым свет уже
пришествова, немощным люте врачевство отверзся, и
всем спасение днесь приближися.

Странствует всяк разум, невестественна зрака видя
Божественный образ Христов, воображен ныне ясно, и
просвещение источая покланяющимся ему.

Путь Христов уготовим, и ныне, осанна Христу
зовуще, благословенно Божия славы имя, еже на образе
Божественне явльшееся сущим на земли.

Богородичен: Знаемо явися странам, Богомати
Чистая, спасение, воображение Спаса нашего,
рождшагося из Тебе, видети Твоим ходатайством ныне
сподобихомся.

Кондак, глас 2:

Неизреченнаго и Божественнаго Твоего к человеком
смотрения, / неописанное Слово Отчее, / и образ
пречистый / победителен вѣдуще неложнаго Твоего
воплощения, // почитаем, того лобызаше.

Икос (2ч2л.)

Уверяя Господь вочеловечения Своего тайну ужасную, / яви нам богомужный Свой образ / и, первообразное убо вознес от горы Елеонския, / на престоле спосаждает Отчи, / покланятися от безтелесных Ангел, / подобию же Первообразнаго нам дарова покланятися, / Егоже объемлюще душою и сердцем, // почитаем, Того лобызающе.

Песнь 7

Ирмос: *Россодательну убо пещь...*

К боговидению очи уготовим и достойно потщимся образ видети Христов сей честный, во спасение нам поющим: Избавителю Боже, благословен еси.

Речь Божественная бесплотных исполнися, иже, гласа Господня услышавше прежде, ныне видехом обличие Его, ясно просвещаемы светодательными сиянии того явления.

Веселятся с земными Небесная, и срадуются всех святых множество, монаси и простии, богатии и убозии празднуют, явльшуся днесь Божественному образу.

Богородичен: Священницы, в правду облецытеся, и вси преподобнии возрадуйтеся светло: се убо уготова светильник нам Христос, еже образа Своего страшное подобие, еже прият от Девы.

Песнь 8

Ирмос: *Из пламене...*

На первообразное яве образа почесть и поклонение возносяще, чтим, богоглаголивим учением последующе, и Христу верою зовем: Благословите, вся дела Господня, Господа.

Совершен сый по существу, Бог и человек виден бысть, совершенно спасая по обоему, Своя воистину свойства: яко Бог бо, человеческий образ уверяя, преславне вообрази, егоже нам яко стену и покров даровал есть.

Светится новая Церковь, славы бо свет возсиял есть, плотоподобозрачное обличие Бога нашего, безплотное же украси, един якоже весть Сам, лице Свое просветив, на спасение людей христоименитых.

Богородичен: Всю освятил есть тварь, прежде от святаго Твоего возсия чрева, Дево, но провозсиял есть того паче днесь, яко от незаходимых явльшуся Того Божественному образу, преславно дав на спасение верным людям.

Песнь 9

Ирмос: *Бога человеком...*

Поем Богу песнь благодарную, изволившему богатство превелико нам подати, стену небориму и неблазненно утверждение, святой зрак Божественныя плоти Его. Егоже чтуще, вернии, величаем.

Доброта недомыслима воистину, красот краснейши паче естества, се зрится достойно желающим, притецем, лица освящающе.

Стена и утверждение державно, оружие мирно, забрало неборимо, невредимо всеми хитростями сопротивными, ограждение граду и храму нашему даровася.

Богородичен: Уставила еси поношение женам, взяла еси от человек и потребила еси клятву, источила еси всем радость и благословение, Дево Пречистая Богородительнице.

Светилен:

Свет невечерний, Христе, просвети нас лица Твоего зраком и светлости святых сподоби, егда сядеши воздати комуждо по делом его.

Слава, и ныне:

Вознесла еси смиренных рог, Богородице, рождшая Бога Слова: темже верно Тя вси чтуще величаем.

На хвалитех стихиры на 4, глас 5:

Подобен: Радуйся:

Радуйся, пречестный образѣ, Ангелы покланяемый/и
Адаму создательный, / человеком возжеленный и бесом
воистину страшный, / любви Божия извещенье, /
начертание сладкаго Иисуса, / будущих благ обречение, /
великое сокровище вселенныя, / никогдаже нищеты
боящеся. // Даруй нам единомыслие, мир и велию
милость.

Радуйся, Божественный образе, / егоже Херувими
обстоят и Серафимы служат, / и вся Небесная Силы
трепещут, / всяка же тварь послушает, / и бездны боятся, /
имже тма отгнана бысть и диавол упряднися, / и
свободися Адам от греховных уз / и Евины утолишася
слезы. // Даруй нам единомыслие, мир и велию милость.

Радуйся, Царский образе, / краснейшаго добротою
паче всех сынов человеческих, / Иисуса Избавителя, /
плотию покрывшагося / и на възискание пришедшаго
зablуждшаго волкохитцаго овчате, / и на раму
понесшаго, и Отцу принесшаго, / Крестом и Кровию
очыщено. // Даруй вселенней единомыслие, мир и велию
милость.

(5^й 21. пог. Радуйся)**Слава, глас и подобен тойже:**

Недр не отлучився Отческих, / Многоимлостиве
 Господи, / с человеки пожил еси, якоже подобаше, /
 исполняя Твоего человеколюбия от веков тайну
 сокровенную, / и немощь понес человеческую, /
 непреложно в ню облещя, / и пречистаго Твоего зрака
 воображение нам на освящение оставил еси. // Слава
 многому Твоему о нас милосердию.

И ныне:

21 5-й

Во двою естеству несмесно, / Богомати, / едину
 Ипостась воплощеннаго / от пречистых Твоих кровей
 видяще, / Бога же и человека исповедуем, / Тогоже от
 Отца Безлетна // прежде век безстрастно и неслиянно
 рожденна.

Славословие великое. Ектении и отпуст.

ТРОПАРЬ, ГЛАС 9:

Пречистому Твоему Образу покланяемся, Благий, / просяще
прощения прегрешений наших, Христе Боже: / волею бо благоволил
еси плотию взыти на Крест, / да избавиши яже создал еси от работы
вражия. / Тем благодарственно вопием Ти: / радости исполнил еси
вся, Спасе наш, // пришедый спасти мир.

КОНДАК, ГЛАС 2:

Неизреченнаго и Божественнаго Твоего к человеком смотра, /
неописанное Слово Отчее, / и образ пречистый победителен ведуще
неложнаго Твоего воплощения, // почитаем, того лобызающе.

ИКОС:

Уверяя Господь вочеловечения Своего тайну ужасную, / яви нам
богомужный Свой образ / и, первообразное убо вознес от горы
Елеонския, / на престоле спосаждаёт Отчи, / покланяться от
безтелесных Ангел, / подобию же Первообразнаго нам дарова
покланяться, / Егоже объемлюще душею и сердцем, // почитаем,
Того лобызающе.